



Broj: 0101-7850-7/20

Sarajevo, 02. 09. 2020. godine

Na osnovu članova 69. stav (1) tačka a) i 70. stav (1), (3) i (6) Zakona o javnim nabavkama („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog otvorenog postupka za javnu nabavku Usluge - Unaprijeđenje modula online upisa informacionog sistema eUNSA za upis na drugi ciklus studija, na preporuku Komisije za javnu nabavku broj: 0101-7850-6/20 od 01. 09. 2020. godine, rektor Univerziteta u Sarajevu donio je

ODLUKU o izboru ponuđača i dodjeli ugovora

Član 1.

Prihvata se preporuka Komisije za javnu nabavku broj: 0101-7850-6/20 od 01. 09. 2020. godine i ugovor o javnoj nabavci Usluge - Unaprijeđenje modula online upisa informacionog sistema eUNSA za upis na drugi ciklus studija, **dodjeljuje ponuđaču ORBICODE d.o.o. ulica Emerika Bluma 15, 71000 Sarajevo**, čija ukupna cijena iznosi 59.000,00 KM bez PDV-a (slovima: *pedesetdevethiljadakonvertibilnihmaraka i 00/100*), što sa uračunatim PDV-om iznosi: 69.030,00 KM (slovima: *šezdesetdevethiljadatridesetkonvertibilnihmaraka i 00/100*), iz razloga što je dostavio prihvatljivu ponudu.

Član 2.

U tački 12. Zapisnika o pregledu i ocjeni ponuda broj: 0101-7850-6/20 od 01. 09. 2020. godine, koji se nalazi u prilogu ove Odluke, Komisija za javnu nabavku konstatovala je da je ponuđač ORBICODE d.o.o. Sarajevo, u ponudi dostavio i ovjerene kopije svih dokaza o kvalificiranosti traženih tačkom 13.1. Tenderske dokumentacije, pa se izabrani ponuđač oslobađa obaveze naknadne dostave originala ili ovjerenih kopija dokaza traženih tačkom 13.1. Tenderske dokumentacije.

Član 3.

Ova Odluka će biti objavljena na web stranici Univerziteta u Sarajevu www.unsa.ba, istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

O b r a z l o ž e n j e

Na osnovu Odluke o pokretanju postupka javne nabavke broj: 0101-7850-1/20 od 30. 07. 2020. godine, Univerzitet u Sarajevu pokrenuo je postupak za javnu nabavku Usluge - Unaprijeđenje modula online upisa informacionog sistema eUNSA za upis na drugi ciklus studija.

Za provođenje postupka javne nabavke, Odlukom broj: 0101-7850-2/20 od 30. 07. 2020. godine imenovana je Komisija za provođenje predmetnog postupka javne nabavke.

Obavještenje o javnoj nabavci broj: 999-1-2-88-3-75/20 objavljeno je na Portalu javnih nabavki dana 03. 08. 2020. godine. Istog dana, na Portalu javnih nabavki objavljena je i Tenderska dokumentacija broj: 0101-7850-3/20.

Iz Izvještaja o preuzimanju tenderske dokumentacije od strane ponuđača, kreiranog sa Portala javnih nabavki dana 31. 08. 2020. godine u 09:59, vidljivo je da su, u periodu koji je ostavljen za dostavljanje ponuda (do 31. 08. 2020. godine), Tendersku dokumentaciju broj: 0101-7850-3/20 preuzeli sljedeći potencijalni ponuđači: Instruments, Agilitas doo, Ekapija doo, Prointer ITSS doo, BBS Europe, QSS d.o.o., Atia doo Sarajevo, Tec Bos doo, Core d.o.o., Orbicode d.o.o., S Consalting d.o.o Mostar, King ICT d.o.o. Sarajevo, DOO Eurolab, Ping d.o.o., Tingea d.o.o..

Iz Izvještaja o pitanjima i odgovorima u vezi sa tenderskom dokumentacijom, kreiranog sa Portala javnih nabavki dana 31. 08. 2020. godine, vidljivo je da u periodu koji je ostavljen za dostavljanje pitanja i odgovora, od strane potencijalnih ponuđača, nije bilo postavljenih pitanja i zahtjeva za pojašnjenje tenderske dokumentacije.

Na Tendersku dokumentaciju nije bilo žalbi od strane potencijalnih ponuđača.

Iz Zapisnika o otvaranju ponuda vidljivo je da je dana 31. 08. 2020. godine u 10:15, Komisija za javnu nabavku, izvršila javno otvaranje blagovremeno dostavljene ponude sljedećeg ponuđača:

R.br.	Naziv i sjedište ponuđača	Broj prijemnog protokola	Datum i vrijeme prijema ponude
1.	ORBICODE D.O.O. Emerika Bluma 15, 71000 Sarajevo	0101-8144/20	31. 08. 2020. godine u 09:36

U Zapisniku o otvaranju ponuda konstatovano je da nije bilo neblagovremenih ponuda. Na javnom otvaranju ponuda prisustvovao je predstavnik ponuđača, a od strane članova Komisije i ostalih prisutnih nije bilo primjedbi na postupak otvaranja i ostale priopćene informacije. Sačinjen je Zapisnik sa javnog otvaranja ponuda i ponuđaču predat neposredno nakon otvaranja.

U Zapisniku o otvaranju ponuda sačinjen je sažetak ponude primljene u roku:

R.br.	Naziv i sjedište ponuđača	Ponuđeni popust	Potkriteriji za ocjenu: Cijena Rok izvršenja
1.	ORBICODE D.O.O. Emerika Bluma 15, 71000 Sarajevo	0%	Cijena: Bez PDV-a: 59.000,00 KM Sa PDV-om: 69.030,00 KM Rok izvršenja usluge: 14 (četnaest) dana

Iz Zapisnika Komisije za javnu nabavku vidljivo je da je Komisija započela sa pregledom i ocjenom ponude dana 31. 08. 2020. godine, kako bi utvrdila da li je ponuđač ispunio uslove iz članova 45. do 50. Zakona o javnim nabavkama koji su traženi Tenderskom dokumentacijom, kao i da bi utvrdila da li je dostavio tehnički zadovoljavajuću ponudu.

Iz Zapisnika o pregledu i ocjeni ponuda vidljivo je da je Komisija za javnu nabavku, nakon provjere računске ispravnosti ponude, utvrdila da u ponudi nije bilo računskih grešaka, odnosno da je ponuda ponuđača ORBICODE d.o.o. Sarajevo, **računski ispravna**.

U cilju ocjene ispunjavanja uslova za primjenu preferencijalnog tretmana domaćeg, nakon pregleda ponude, Komisija je utvrdila da je ponuđač ORBICODE d.o.o. Sarajevo dostavio potvrdu Vanjskotrgovinske komore Bosne i Hercegovine kojom se potvrđuje da društvo ORBICODE d.o.o. Sarajevo ispunjava uslove za izdavanje certifikata o bh porijeklu, na osnovu čega je Komisija za javnu nabavku ocijenila da se na ponudu ponuđača, **primjenjuje preferencijalni tretman domaćeg**.

Po pitanju zahtjeva koji se odnose na sadržaj ponude, uvidom u ponudu ponuđača ORBICODE d.o.o. Sarajevo, Komisija je utvrdila da je ponuđač dostavio prihvatljivu ponudu, jer je dostavio sve bitne tenderskom dokumentacijom tražene dokumente, pa je njegova ponuda od strane Komisije ocijenjena kao **prihvatljiva**.

Na osnovu rezultata pregleda i ocjene ponuda Komisija za provođenje postupka nabavke utvrdila je da je ponuđač ORBICODE d.o.o. Sarajevo osvojio maksimalni broj bodova, jer je kao jedini ponuđač dostavio prihvatljivu ponudu u skladu sa tenderskom dokumentacijom, u iznosu od 59.000,00 KM bez PDV-a (slovima: *pedesetdevehiljadakonvertibilnihmaraka* i 00/100), što sa uračunatim PDV-om iznosi: 69.030,00 KM (slovima: *šezdesetdevehiljadatridesetkonvertibilnihmaraka* i 00/100), i rokom izvršenja usluge od 14 (četnaest) dana, koja je prema kriteriju za izbor ponude (ekonomski najpovoljnija ponuda) kao jedina prispjela ponuda ocijenjena najpovoljnijom.

Na temelju naprijed navedenog Komisija za provođenje postupka javne nabavke dala je preporuku rektoru Univerziteta u Sarajevu da za nabavku Usluge - Unaprijeđenje modula online upisa informacionog sistema eUNSA za upis na drugi ciklus studija, shodno članu 69. stav (1) tačka a) i 70. Zakona o javnim nabavkama, donese odluku o izboru i dodijeli ugovor ponuđaču ORBICODE d.o.o. Sarajevo, ul. Emerika Bluma 15, 71000 Sarajevo.

Primjenom člana 69. stav (1) tačka a) i člana 70. Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ovog Ugovornog organa u pisanoj formi. Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama.

REKTOR


prof. dr. Rifat Škrijelj

Dostaviti:

1. ORBICODE d.o.o. Sarajevo, Emerika Bluma 15, 71000 Sarajevo
2. Služba za računovodstvo i finansije
3. Služba za javne nabavke
4. web stranica UNSA
5. a/a

Prilog: - Zapisnik o pregledu i ocjeni ponuda